

贈閩縣宣差

列宿名流七閩上宰筆頭造化陽秋昔年建
邵父老喜攀留果是官清如水甘棠樹蔭雲
淨又聞道南安德政里詠與塗謳今來花滿
縣潘君愛惜且毋綢繆吾儂行樂也市井嬉
遊見說郵亭風月好景意思試問知不真有
箇錦塊千段聲價滿皇州

春林廷玉問事 調山花子

身後身前不可猜何妨削髮學如來如來那
處往天台大廈嶺頭緣未到鏡臺何事拂塵
埃且向高高上頂坐做生涯

贈同事五人

聞道江村昨夜雪又見梅花白南枝消息報
春來雪與梅花一梯開好情懷折梅對雪渾
無語梅雪真如畫更添月照樓臺梅花雪月
意難猜兩三盃



徐仙翰藻卷之九

啓玄表 真君補職

伏以天門咫尺初無折檻之忠師省嚴明敢
有臨軒之請踴躍罔措踴躍不寧臣某申謝
恭惟元師天師聖位法授先天道尊百世宣
示盟真之典永為未學之傳伏念臣某領職
行科盟心執戒豈敢私謀而獨任必湏先奏
而後行自有典刑當拱左右手以聽周失法
度必分東西頭之班無二爾心各齊乃位卜
消教且黜謝羅天為靈濟真人畧表謝忱恐
同壇法衆未遵妙訓齊心行道不敢為再三
瀆之謀罰簡有科深恐犯千條之峻

謝玄表 真君補職

臣誠恐誠惶頓首頓首恭惟

元帥大法師聖位功化育道達玄微惟川

脚四

澤之所汪洋莫不朝宗於海然日月之所臨

照誰敢戴盆望天報效莫能精純徒竭罪惡

丘山之積功滅塵埃之微幸下耳而曲從於

聲言而無棄伏念某洞真未達老耄無能靖

惟薦章自謂得人輒加進用於仙塔豈敢貪

功而竊位今徐某等蒙陞品秩錫以恩麻舍
齒食毛均拜生成之德舞手蹈足同傾懽慶
之誠輒敢重言深虞獲戾

謝恩表 真君 奏職

切以捍患禦災禮既嚴於祀典建功積善名
宜進於仙階神雖不可度思言固當為之敷
奏臣誠恐誠惶頓首頓首恭聞軒轅皇帝請
問於廣成子願聞至道之精散關令尹從事
於李老君欲究又玄之妙茫茫乎莫之所在
蕩蕩然吾無能名於太不終於小不遺其教

莫獲其廣若谷萬物備廣與時偕行此為超

凡入聖之機有得守中抱一之學元陽玉曆

應當採擇其人太上寶章凝成自然之氣世

人誦之則延壽鬼靈聞之以昇仙各存宿命

因緣不可思議功德伏念臣心雖慕道材弗

脚四

踰人未能明金丹出鉛入汞之方輒敢任卑

囊奏事封章之責重念醜首某等托神之庇

遺我以安里稱靈濟之祠性稟聰明之德義

時賜廟時兩允符卜玆之占勲在國澤在民

猶記豐碑之彌梁盛可薦黍稷非馨每過三

元集福之晨常素一日致齋之戒仰荷天師之福陰俯膺帝命之寵榮徽號褒崇大名赫奕事茂闡千古昔美獨備於方今茲蓋伏遇昊天玉皇上帝玉陛下穹窿者天主宰者帝均罔照臨之下夙稱覆燾之仁臣自慚地下

蟻蝨之臣愚而且蠢恭親天日龍鳳之表時然後言雖神之所依者有才可以當其職豈敢素餐而具位必無生事以希功梯分過多感恩不少猶有綈袍戀戀之意自知履水戰戰之虞伏願雖離在官盛德之祀千百世讓降福皇極之錫我庶民臣無任瞻天望聖激切屏營之至謹奉表稱謝以聞

金闕謝受職表

臣 伏奉三月朔日制授臣九天金闕明道達德大仙顯靈溥濟真人主管上清天文院任宜行事臣伏以望瞻金闕伏膺帝命之新名在丹臺躡進仙班之列恩光甚寵懼慙愈隆臣誠恐惶頓首頓首恭甚高上王清宮道遙快樂外有玄境朗落光明象昭日月之重靈瑞結煙霞之五色萬神朝禮三界齊

臨左龍右虎之森羅前鳳後鸞之鳴唱此天上之所為樂非臣下可得而聞咸度轉輪千機會悟自合脩齊行道庶幾證聖成真伏念神怪茫茫塵居汨汨牲牲以祭徒知肉食之謀忝獲非馨甘受素餐之列惟有依草附木

初無顯迹之功誤蒙不次之恩遽屬無靈之鬼紫微宣詔帝座臨軒光近七星所照九千里位同列宿其數百十八名掌司祿於三台佐文昌於六府德聚則賢人慶會斗覆則年穀豐登老人現南極之中天下協泰階之象皆帝之力於臣何功茲蓋伏遇 昊天玉皇上帝玉陛下大德曰生益高在上雖是無聲無臭實則有象有形鼓節麾幢曾發度人之願執符御曆獨開體道之元丹書泄溫洽之精英綠字薦榮河之祥瑞雷霆發號雲漢

玉闕謝受職表

為童赫然有臨下之威付我以右文之選臣其鈞履上啟喜君子之得與眾輔來朝效諸侯之薦璧蒙恩不淺滌事惟勤臣無任瞻天望聖激切屏營之至謹奉表稱謝以聞

臣某伏奉三月朔日制臣九天玉闕宣化扶教上仙昭靈溥濟真人主管下元地府諸院任宜行事臣伏以玉闕森嚴伏拜天墀之近金書褒獎特榮地府之除祇受寵私不遑啓履恭列寓步億萬千里合四海以同風周

天二十八星配九州之分植三千世界一切眾生屬星辰日月之所照臨無林木山川之有高下均是人也真為樂哉願開紫陽靈錦之囊得度玉室丹臺之內雖太上不輕授受幸賤臣所可參聞夙夜祇履精神對越伏念臣非鬼為詭依人而行念欲盡齋戒事帝之心終未免饗餐不材之誚石田無用塵俗未離誤蒙制誥詔冊之榮特任社稷人民之寄勸善懲惡罰過賞功有德者名紀南宮有罪者魂拘北府掌三島名山之仙籍領五嶽四

玉闕謝受職表

瀆之真司欽奉載嚴兢凌罔措鼯鼠自當量力巨釐不足負恩茲蓋伏遇昊天玉皇上帝玉陛下萬象流形寵御極逆陰慘陽舒之化擅春生秋殺之權帝駕翻翻眾星拱衛玄都渺渺七寶莊嚴瑞閣碧落之空歌仰贊玉皇

之眷號累蒙休命遂越等夷自憾何功過庸
抽擢澤身潔已致蘋蘩蕙藻之誠卜稼祈年
有黍稷稻粱之慶下符民願上答天心臣無
任感恩荷聖激切屏凌之至謹奉表稱謝以
聞作禮謹言

上天師表

伏以道德隱南闔父席雲天之虎望恩址闕再
瞻日月之光册命寵臨汗顏自訟臣誠恐誠
惶頓首頓首臣聞祠山曾現形於河濱薦膺
大帝之封梓謹嘗降笔於岷峨侈拜元皇之
賀英烈以孝誠得道慈濟以樵冶成功若非
發願以度人何以起九而入聖蓋有之矣豈
偶然哉願我所行惟道為大况自太極之既
判有民人焉有社稷焉迨至五劫之云終孰
主張是孰綱維是茲蓋伏遇正一冲應神化
靜應顯佑真君心能靜應道達冲玄神而化
之則嘿嘿無為顯而佑之則洋洋如在以輔
國安民為念以垂科立教為心紫字金名標
記藥珠之籍琅函玉檢譯書鳳篆之文道法
先天學傳後世百靈是衛萬物所宗太玄十

五天下臨於鬼谷陽平第一治上應於角星
靈著古今事留史傳非臣下可得思議此師
道所以獨尊伏念臣某依人而行惟神是守
腐草同類朽木無文碑銘重辱於柳侯名謚
僅存於晉史藥石不辨那知馬溲牛溲爐鼎

未全安識龍鈿虎汞雖有救物之志初無經
世之材卜學君平習吉者姑告之以忠孝仁
義訓遵尼父尚讓者以戒之怪力亂神以此
自謀莫知所效常謂妄作之罪無地可逃豈
意不次之恩自天而降榮加官秩躡進仙班
受此以為泰乎得之誠若驚耳泛大鯨之海
魄逝魂搖戴巨鰲之山德隆恩重蒞職而後
慎事如初載揚懺戒之科自知狂悖不識經
文之旨尚冀開明是皆出自師傳豈敢以為
已力欽崇聖化宣布仁風上祝聖壽效嵩嶽

之三呼下使吾民膺箕疇之五福符錄之傳
也久惟願孫生子子生孫椒蘭之禮不恭獨
有道即心心即道雖犬馬猶知戀主豈蟻蟻
不能致情臣下情無任望恩惶悚之至謹令
臣某錄表陳謝以聞

謝天師表 真君奏職
臣聞道疆名曰大自虛靜恬淡而至於無為
神得一以靈知進退存亡而不失其正發而
皆中誰使之然母乃夙幸之因緣可以乘機
而會悟臣申謝切見

九天靈濟真人惟正直神則聰明非徒為
封土立社之謀蓋嘗發代天行化之誓脩齋
執戒素堅金石之心救物度人尤甚峇峇之
效功烈如彼其風文章可得而聞果承天寵
之榮獲進仙班之上錄通祭於大洞簡宜稱
於文憑誰敢謂今受之是前受之非喜有得
一命而僂再命而偃訓辭播告瞻西去而莫
違父老驚嗟謂南中之罕見謹當昭謝豈曰
具文臣領詞意之勤奉望師尊而拜跪伏念
臣某忝居末學濫宰玄科老而無能深愧扶
杖作龍鍾之狀審而後奏尚虞後匪非切至
之辭仰賴仁慈俯垂恩寵茲益伏遇三天扶
教大法師几前廣宣大化普度群倫為萬世
之宗師作衆生之父母分別人鬼黜陟幽明
既取諸公論以得人必不敢素餐而具位蓋

官占惟先救志龜盤從卿士從庶民從非私
昵必惟其能左右可大夫可國人可罪上千
於黃鉞言輕甚於鴻毛臣謹具

上田焦尾表

上言臣所部鄉民老於農者陳某等連名狀

稱終歲勤勞民食所仰豈謂田禾茂上蟲賊
內外心實憂惶禮當禱謝不堪恣怨敢弗奏
聞臣誠惶誠懼頓首頓首臣聞去歲冬間南

雪到地今年春首好雨知時此為隴吏田父

之所歎呀皆曰豐年羨瑞其有證應東作之

民亦既勞止南畝之苗勃然而興尚冀秋成

乃祈穀實胡為焦尾靈心之禍誰無救焚拯

溺之憂若不告於上天猶恐甚於今日或者

臣之守此土也全無陰功是致斯民之失所

職雖莫能自責跼蹐知懼懺謝未遑恭惟

昊天玉皇上帝玉陛下念及黎元甚於赤子

尚一穀不升則謂之歉然一夫不獲曰予之

辜實可哀憐無所告辭徒作嗷嗷之狀莫知

善善之因伏念臣地下之蟻蝨不如為言也

借田中之螟蟊未去謂為何求靖惟帝怒可

回天心可格東靈投火先為去害之謀履霜
堅冰略識防微之意伏願消灾肆赦推恩及
人使愁歎而為謳歌化妖殄而作祥瑞實堅
實好實穎實粟有大田多稼之可期或春
或榆或穀或踈俾吾民一飯而受賜臣無任

御四

望恩瞻闕懇切彷徨之至除已將蠹賊焚瘞

外謹令盟威臣呂某錄表陳乞以聞臣誠恐

誠惶頓首頓首

賀聖父瑞表正月初二日代鄉人賀

恭以父者子之所天其尊可敬其嚴可畏王

之神也如水無時不在無往不通千載揚靈

一誠歸美恭惟

聖父齊王忠武真人殿下以忠報國用武立

功擇戶授封常拜瑋圭之寵御王策命曾開

金匱之書威震淮江福臨衛郡昨日獻椒花

之頌紫氣盈庭今朝獲蓬矢之祥赤光照室

伏念某等叨居馬足久沐鴻恩瞻北闕以投

情指南山而祝壽更真一堂無笑人人存親

睦之心四境升平在在享神麻之庇奉表稱

賀以聞

又

正月始和吉允符於翌旦九天稱慶喜共躋
於生神瑞氣雲浮歡聲雷動臣某誠懼誠忭
頓首頓首申賀恭惟

聖父齊王忠武真人殿下好是正直運乃武

文昔聞江左之名今闢關中之跡四方冠冕

開日月之重華千載香燈等乾坤而不老稽

首拜陳於石虎奉觴敬舉於倪寬愛習野儀

用伸鄉飲有尊有卑有長有幼莫敢相踰欲

齋欲富欲逸欲安各符所禱謹具表申賀以

聞臣某誠忻誠忭頓首頓首下情無任極切

勤拳勤奉謹言

南宮表代男子祈安作

臣聞大道無為孰究玄玄之象妙生身受度

庶期劫劫以長存非凡夫可得而聞惟善人

常與之福切見其持身儉讓虛性直溫偶磨

碣之不振致實沈之作孽遂伸懇切果獲安

痊自惟耳順之年適逢初度深謂頭童之狀

不及前時雖老耄以無能幸明真之有格經

開玉局無非解厄之文教演黍珠盡是度人

之典如是功德可作津梁伏念巨濫忝道流
僭行科事何補元工之萬一敢陳愚濟之再
三恭惟南宮上帝聖位仁廣大慈功發不辜
分治九陽之妙梵結成三洞之靈文靈鷲群
生胚胎象類既付之形與貌必保其命受其

神使靈根灌漑枝暢而葉繁使玄液結凝源
深而流遠無喜怒哀樂以亂吾性無是非利
害以惑我心飛度上玄斷除邪障列名丹簡
錄字青篇上推太乙之恩下慰斯民之望伏
願髮可轉白而為黑傳不老之方氣乃回
紫而抱黃內得長生之訣更冀闔門昌泰後
裔興隆

又代女人預修作

伏以黃庭一經出於扶桑宮願聽魏夫人之
規堂畫絕長康辟泥新孔氏墻公翰就規矩
司服飾衣裳工逸事已遂碑成誠所望中山
拔毛穎震澤伐蒼蒼魚鱗淘沙淨鸞翼附翼
翔托言徒奔浪作事甚乖忙玄學知吉凶金
科發秘藏文欽韓吏部句美段文昌橫草功
何有撞蓬力不量家談傳陸氏閣記夢滕王

詩讚神生岳文非鬼肅梁古書言可證祀事
禮宜莊繼聖猶專孟知天豈畏匡斯文如未
喪吾道豈能彰仰慕先生操爭傳君子芳挺
生文豹蔚稱厲步龍驤碧玉珊瑚樹黃金貂
尾璫隸精稱子敬書徒抗元常倒水繹光耀

摩空氣慨慷慨獲麟將絕筆獻縞望投章靈德
慚孤陋高材為發揚如君稱令譽積善有餘
祥記在名俱在子忘神不忘愧無繡以賄介
以福樣樣

陟降散仙三島客縹緲虛無不可測魂魄毅
然為鬼雄惟爾聰明兼正直荆人尚鬼越尚
機春秋以來舊風俗我今處世何皇皇獨驚
窮途多感泣本無闕心美鉢誰肯媿然自
塞默學尊孔孟進韓柳力排佛老斥楊墨將
崇孝悌去奇褻欲反驕奢尚敦實咄咄書空

真怪事果信洛陽人不識呼嗟蜀棧高巉巖
岐首於菟互吞齒木中水上事不聞祇見鄉
原德之賊誰知暗室有神明甘與小人為鬼
魅剝剝豕豕門外聲孤鳴最崇爭饒舌利箭
長距跨壇場惟解駁眾多詭譎詭禺不下膺

與真捧心豈料為人疾黎丘丈人醉且狂安
得扶奇不掌拍為謀不忠交不信遠舉雲中
澆聲跡琬琰不可焚崑岡芝蘭莫使混荆棘
善善惡惡郭公墟未事冥冥黑如漆天生明
翼不偶然只恐文章遠斷絕東村先生何許

仰四

十六

人前筆典刑推第一豐城紫氣射斗牛少年
聲皎猶赫赫江山千里月平分正好秋光涵
水碧世情反掌苦不常中流洶洶波浪激貞
觀丘壑謝塵物寄飯牛車歌白石危冠長佩
鶴漿衣高揖群公追甫白文章捷敏得我驚

斧鑿無痕地礫裂蛟龍海底弄角牙紅旗閃
閃青紅色鴻都碑文今已成車乘千輛填街
陌魚琴馬瑟會知音一臺二妙爭磨刺我慙
慕覓憐腸胃敢向屠門誇肉食商丘之未不
可棄落以斤刀引微纏人言一字直千金愧

無饋謝右軍筆石磯老人何貪林十萬陰錢
大需索關西夫子不復生暮夜無能謝王宓
嗇夫喋喋人所嫌頰頰汗背徒慄慄侯門如
海了不聞豈是閻人多限截敢使容卿作通
使大開太倉發一粒倘令祠宇甲天下萬口

一辭公之力青玉明珠不足報領言壽比南山
山栢公侯子孫後其始好將此事做陰騭

復麟歌

歌獲麟歌獲麟之為名配乎仁牛尾馬足
廢其身然一角不觸人聲清音濁合律呂

十七

行步折旋中規矩不獲生蟲不旅行不折生
草居擇土仁哉麟哉獸之靈此獸一出時太
平滿謂太平當今日不圖今日不如昔不如
昔異物殊形常間出章襄之山鳥如鶴名曰
畢方生一足見則謠火焚人屋朝不敢爨夜
不燭又有鬼車號夜遊十頭十口連一猴翅
如車輪聲啞嘔血滴人家家凶憂天地生物
付其質何此為凶不為吉世情變態多好惡
聞吉則喜凶則怒吾聞凶人作禍殃尤甚鬼
車與畢方仁哉麟哉不復見安有吉人日為
善吉人獲福凶獲禍禍福善天之道武孫
車馬遇大商獲麟於野為不祥賜之虞人問
孔丘孔丘感麟作春秋春秋之教以為中胡
為絕筆以為終仁哉麟兮時不遇絕筆之說
吾道窮孔丘已死數千載世道不古誰感慨

古人山人吾不知獲麟幸有春秋在斯文未
喪求諸神托言無世猶丁寧吉人為善善是
勸凶人為惡惡是懲孔丘聖人莫與衡姑且
絕筆歌獲麟

絕筆歌

人生栩栩夢華胥懷性往來為利趨孔孟已
死不復懸仁義之道為何如斷蛇帝子握乾
符隨何食其馬腐儒平生不讀半行書朱輪
華轅大門閭爭誇馳射富金珠一擲百萬嗚
嗚盧月管耗耗莫睡肝重譯尹嗚言朱朱廢
臨不食謀何殊題題青影見何愚謾行作賦
比于虛看視滌器自當爐技闕與死揚大夫
滑稽落魄無庶隅文乎文乎何無之喪乎安
得窮鬼不拍手而揶揄吾故知夫伯蘇之沉
於羽水兮化為玄魚叔之虎日豕豕兮死於
貪汚楊食我之為羊古氏之禍兮母聆其孤
神乎神乎深為世道之憂者乎設卦以斷吉
凶兮何須算竹米庭除正直以為德兮何須
椒桂擊搏植文章以為言兮何須三寸掉張
蘇嗚呼知變化之道哉其知神之所為乎君

不見文潞公之修江濟廟考考有感於成都
种世衡之致廣梁於澠池考用樽手者為前
驅又不見于寶之撰搜神記考號為重孤彼
何人歟彼何人歟敢論鬼為虛無豫章太
守之談春秋考喪其軀牛渚磯之燃犀考幽
明異途已矣乎已矣乎獲麟之筆絕矣吾不
復言乎唐虞

梁父吟

青布變成羅古識人皆曰星纏應斗牛分野
屬閩粵左揖巨靈懸峰巒磴磴硤右揖方山
巖石壁高岷岷潮水出天河盈虛取松月一
日一來朝回環江刻屈黃氏撥沙經沙形象
魚鱗又有隸伯韶圖經作捋後三峯聯鼎峙
平地起一突郭公青囊書此為鳳穴窟風水
官九署明檢鬼營說法聞經使億曾萬祖飛
昇金闕憑茲功德作是津梁伏念臣齒豁頭
童可厭龍鍾之狀位卑職小深虞驚蹇之材
領職主行以言敷奏夜動之風祗有畏人大
謬之以慚不敢墮越無地僥倖自天敢獨臣
下忠懇之私為見人子孝情之重今日奉為

孝女某痛念亡考某自經一死竟覺三週累
欲追脩莫符願望切見亡靈背疽不救終為
二豎之所迷心術毋欺何遇三彭之是潛向
者溥言胥動謂之陰陽有虧竟墮冥途莫知
解悟無奈人鬼之阻間隔初非耳目之所聞

知在於縲絏之中公治長非其罪也受以董
公足辱司馬遠豈無悔哉重念臣忝廁陽官
莫和陰憲為人瀕洗顧已憂惶聲觸雷霆有
似能鳴之鴈望窮江海豈無漏網之魚蓋呂
命嘗審於五罰五刑而周官亦有此三宥三

赦無以效木蘭之孝輒敢上緹縈之書膏膏
如燈焰之賊生何所托繫繫若喪家之狗情
實可伶恭惟

聖位發誓慈悲壽壽赴感號獨尊於太乙
光普照於三千東極妙嚴官曾現紫金之相
太玄無邊際嘗聞大洞之經願作眾生緣能
救一切苦伏乞疾除罪薄遷神於北府之中
選敘仙僚飛寫於南宮之上
徐仙翰藻卷之九

徐仙翰藻卷之十

祈安詞

伏以仲春二月厥民析度彙感新昊天上帝
不我遺一心可格情同無懇聽徹九重伏念
等蟻蟻偷生鉅蛋知感感林林摠摠雖托居

履載之間擾擾忽忽未免有是非之累反之
於心知過者鮮稽之於事作孽者多常懷恐
懼之私敢賴薰修之力伏願上下神祇鑒厥
德左之右之士農工賈樂其生庶矣富矣

又

伏以小民無知常有微福假靈之請上帝臨
必必無賞功罰禍之私苟不我欺所助者順
伏念 等依山築室鑿隴為田鳥星畢見於
仲春始勤東作犬吠相聞於四境願見太平
自知食力之艱難敢弗聲誠而熙謝雖坐井

之蛙難語以天然鑿金之蟻可憐其生伏願
或紓或耘自今以始歲其有曰安曰富凡情
所欲天必從更莫牛畜之生成實荷鴻恩而
覆育

又

伏以民情可見視聽近而自民帝命不違齋
沐可以祀帝拳拳有請赫赫如臨伏念 等
釜蟻貪饕井蛙寡陋托生中十未能人事以
稱心適逢上元尚莫天官而賜福特憑羽士
宣演真科上千斧鉞之嚴下及芻蕘之聽維
今時尚不知昔幸汚俗可與惟新伏願申之
伯甫之候後有興者彭之壽陶之富諒必從
之凡諸動履之間實荷生成之德

又 年六十四歲

伏以道常與善須明善善之因情所欲安已
遂安之願敬憑羽士騰進墨詞伏念某言
無足稱年方耳順昨有采薪之疾今蒙勿藥
之功况當十月之交恰逢初度實荷維天之
命敢負前盟冀晚節而康莊聲誠心而昭謝
功德可稱量也少儀實畏之恭祖考既安樂
之不昧追修之敬仰祈輔佑俯賜證明

謝恩詞

伏以禮煩則亂惟至誠可以感神天誘其衷
日積善必有餘慶仰干穹聽俯露柔情伏念
妾某四德不全多言何益字未明於三豕適